

# JUNIOR SECONDARY CERTIFICATE

**OSHIKWANYAMA FIRST LANGUAGE**

**1104/1**

PAPER 1 Reading and Directed Writing

2 hours

Marks 60

**2019**

Additional Materials: Answer Book

## INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.
  
- Answer **all** questions.
  
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

## OMALOMBWELO NOMAUYELELE KOVAHONGWA

- Nyola omanyamukulo oye mEmbo IOmanyamukulo olo wa pewa.
- Nyola Onomola yEkonakono nEdina loye kEmbo loye IOmanyamukulo.
- Nyola nopena imbulau ile ilaula.
- Ino longifa okadimifo komeva.
  
- Nyamukula omapulo **aeshe**.
  
- Kotokela esipelo loitya, elongifonawa loileshifo netungo lomatumbulo.
- Omwaalu witwa owa yandjwa moikondekifombine [ ] konima yepulo keshe ile yoshitukulwa shepulo.

This document consists of 7 printed pages.



Republic of Namibia

**MINISTRY OF EDUCATION, ARTS AND CULTURE**

## OSHITUKULWA SHA-A

Lesha nawa okaleshwa taka shikula u dule okunyamukula omapulo taa ka pulwa.

### **Ekalekepo leameno nepopilo lovakwashiwana**

Ovapolifi ovo ovanhu ovo hava kaleke po ombili nokukelela oilonga yoimbuluma iha longwe moshilongo, noitya imwe natango otaku fatululwa kutya, ovapolifi ovo ovakalekipo veeveta neshikulafano ponhele yonhumba. Ovanhu luhapu, oto hange tava sheke ovapolifi kutya ovananyalo, navahapu vomuvo, ovalongi voilonga youlingilingi. Omunhu ngeenge a ningilwa omunyonena, oha kala a hala opolifi i endelele, ndele ngeenge oye e na omupambeke waye a longa oimbuluma oha tanguna ta popi ta ti: “opolifi ohai kulukuta nohai piyaaneke ovanhu”, shaashi okwooko ihaku lidi peteta.

Paushili woovene, ovapolifi ovo hava kaleke po ombili moilando, momikunda nomoshilongo ashishe koonono. Onghalo yomoshilongo itai kala i li nawa, ya amenwa, ngeenge kape na ovapolifi. Hano, ovapolifi ovanhu va fimana nova pumbwa okufutwa ondjabi i li nawa, moshilongo keshe mounyuni. Ekalepo lovapolifi moshilongo ola eta ovanhu va ende va mangeluka oufiku, va tokelwe peendingosho ile peenduda domanwino pehe na omaliundauro onhumba. Peenhele dimwe ovanhu ohava nangala pondje nokuli, shaashi ove wete kutya ove li meameno. Ovakalekipo vombili nena ngeenge kave po, onghalo yovanhu otai kala medundakano, epiyaano nomalwoodi otaa hapupula.

Ovapolifi ove na oinakuwanifwa ihapu, ngaashi, okwaamena ovakwashiwana nokukaleka po oveta nelandulafano kutya nee omeendjila, omeefikola, momaumbo, nosho tuu. Alushe otava kwashilipaleke kutya, ovakwashiwana ove na ombili tai xunga efimbo keshe. Ponhele yonhumba ngeenge opa holoka oshilonga shouxwapindi ile shoimbuluma, ovapolifi ove na okuninga omapulapulo nokukonga ouyelele wa wana, va landule omufekelwa noku mu kwata po a ye mokakuma. Oha ka pulapulwa kombinga yoshinima osho nokupangulwa momhangu, a pewe ehandukilo, ngee a monika ondjo. Omahandukilo ohaa yandjwa a yoolokafana she likwatelela kenyono lanakunyona.

Omunhu ngeenge oku na ohokwe yokuninga omupolifi, oku na okukala e na omaukwatya taa shikula: Olutu li na oukolele, e na onhulo, ta dula okulonga ongomunaineya, iha sholola, he liteelele noha dula okupangela omadiladilo aye mokuninga omatokolo. Omunhu oku na yo okukala e na omutima mukukutu, shaashi peemhito dimwe ohapa holoka oiponga inyanyalifa. Hano omadeulo oupolifi ohaa dulika nokupitwa ashike nawa komunhu e na omukumo wokusholola. Vahapu vomovadeulwa voshilonga eshi, ovo vehe na omukumo, ohava fiye po omadeulo aa meemhadi di talala, molwaashi kave na oukwatya wa pumbiwa meifano eli.

Oinakuwanifwa oyo ya pumbiwa mokutambulilwa moupolifi, oyo odjapo yondodo onhimulongo nonhivali noitwa okudja pomilongo nhatu, osho yo ondjelendodo yo-D mOshiingilisha. Nakuninga eindilo oku na okukala omukwashiwana waNamibia, e li pokati komido omulongo nahetatu fiyo omilongo mbali nanhano. Omunhu na kale ehe na oulema wa sha, ha udu ko nawa nokuhe na omukifi wa sha. Oonakuninga omaindilo ovakainhu, nava kale ve lilongekida okukonakonwa va talike ngee ove na omateelelo, shaashi ovafimba itava ka dula omadeulo oo haa ningwa. Omwiindili ngeenge okwa ningi omunelao, ndee ta tambulwa moupolifi, nena na kale a pyakudukwa yo okukonakonwa ombuto yo-HIV, noku na okudeulwa oule weehani omulongo nambali.

Omadeulo olutu oo exukamwoongo mokudeulilwa oilonga youpolifi. Ovadeulwa ohava lotokifwa oinano ya yoolokafana pehe na efudepo. Ohava longifwa shandongi, tava pandula vehe na fudepo, tava tumbifwa oushako vomadu, tava alangatifwa va mangelwa oushako vomadu, tava delela, tava ende okafuma ve likwete meembwetule nokukala efimbo lile ve li omutyonghe. Oihongwa hai hongwa mo oyo: Oveta i na sha nokukondjifa oimbuluma, Omikalo dokuungaunga noimbuluma, Oveta i na sha neongelo lomaueyelele, Oilonga yovapolifi, Etulo moilonga lomaufomhango oilonga yopolifi nOwino kombinga yekwatonawa leendjebo dinini naadi dakula. Omudeulwa oku na okukala e na eudeko lelaka lOshiingilisha.

Ovapolifi ngeenge va mane omadeulo avo, ohava tukulilwa meeshasiona dopolifi da yooloka nove na okulongela mo oule weemwedi hamano, va mone manga owino. Konima yokumona owino, keshe umwe ota dulu okuhoolola onhele oko a hala oku ka longela ile a tumwe kOikondo ya yooloka ngaashi moipangelo, meembelewa doinima yomeni loshilongo, meembelewa dokeengaba, meepate nosho tuu ile e ke liwedele ko kwaasho a hala oku ka longa. Vamwe ohava kala meembelewa dakula va yakule ovakwashiwana mokukonakona oibofa, mokukwashilipaleka eedokumende davo, oku va yadifila eefoloma domaano nokukaleka po omaufemba ovakwashiwana ovo tava hepekwa palutu, pamwenyo nopanghalafano.

Oshilongo shetu Namibia osha pumbwa ovanyasha ava va itavela mokukaleka po oveta nouyuuki va tambulilwe moilonga youpolifi.

### Oshinyangadalwa 1

Hoolola po enyamukulo lomondjila. Nyola ashike onomola yepulo nondada omo mu na enyamukulo lomondjila. Ngaashi: **1.B**

- 1 Ovapolifi ovanhu velipipo pakaleshwa?
  - A Ovakalekipo voveta neshikulafano ponhele yonhumba.
  - B Ovanhu hava pangele omadiladilo mokuninga omatokolo.
  - C Ovanhu ovo va pita ondodo onhi -12 noitwa omilongo mbali.
  - D Ovanhu ovo ihava longo oimbuluma. [1]
  
- 2 Okukala po kwovapolifi moshilongo okwa eta shike?
  - A Okwa eta onghalo yedundakano, epiyaano nomalwoodi.
  - B Okwa eta ombili nelandulafano.
  - C Okwa eta ovanhu va dule okuninga omatokolo.
  - D Okwa eta ovanhu va futwe ondjabi i li nawa. [1]
  
- 3 Ngeenge omufekelwa a monika ondjo oha ningwa ngahelipi pakaleshwa?
  - A Oha mangelwa okashako kedu.
  - B Oha ningilwa omapulapulo.
  - C Oha pewa ehandukilo.
  - D Oha endifwa a twa omutyonghe. [1]

- 4 Omolwashike oonakuninga omaindilo ovakainhu ve na okukonakonwa omateelelo?  
**A** Osheshi itava ka dula okukonakonwa ombuto yo-HIV.  
**B** Osheshi omunhu okwa tiwa na kale omulididimiki.  
**C** Osheshi omunhu okwa tiwa na kale ha udu ko nawa.  
**D** Osheshi itava ka dula omadeulo oo haa ningwa. [1]
- 5 Omunhu opo a kale mopolifi oku na okukala e na oukwatya wa tya ngahelipi?  
**A** Okuliteelela noha dula okupangela omadiladilo aye.  
**B** Okukala omutumba pehe na oshipundi.  
**C** Okulihonga okukwata nawa eendjebo.  
**D** Okukala e na oulema woilyo yolutu. [1]
- 6 Oihongwa ilipipo hai longwa ovapolifi?  
**A** Oveta i na sha neongelo lomaueyelele.  
**B** Oveta yombili tai xunga yovakwashiwana.  
**C** Oveta yokukwashilipaleka eedokumende.  
**D** Oveta i na sha nehandukilo lovanadolongo. [1]
- [6]

### Oshinyangadalwa 2

- 7 (a) Tya **Osho** ile **Hasho** komatumbulo taa shikula:  
**(i)** Moupolifi ohamu yadifilwa komunhu e na oukolele wolutu nombuto yo-HIV. [1]  
**(ii)** Ou na okukala u na omido omulongo nahetatu fiyo omilongo nhatu, u tambulilwe mopolifi. [1]  
**(iii)** Shimwe shomoihongwa hai lihongwa moupolifi osho Etulo moilonga lomaufomhango oilonga yopolifi. [1]
- (b)** Oitya i li mu-**A** i twifa kumwe noutumbulo ve li mu-**B**. Nyola ashike onomola yepulo nondada oyo mu na enyamukulo lomondjila. Oshihopaenenwa **(i)** a

<b>A</b>		<b>B</b>	
<b>(i)</b>	onghalo yomoshilongo	<b>(a)</b>	e udite ko Oshiingilisha
<b>(ii)</b>	omudeulwa na kale	<b>(b)</b>	oyo fimba i na ongodi moshilongo
<b>(iii)</b>	omuningi weindilo na kale	<b>(c)</b>	itai kala ya amenwa pehe na ovapolifi
		<b>(d)</b>	ha wanifa po eeveta
		<b>(e)</b>	e li pokati komido omulongo nahetatu fiyo omilongo mbali nanhano

[3]

[6]

**Oshinyangadalwa 3**

8 (a) Fatulula ei:

(i) Okwooko ihaku lidi peteta. [1]

(ii) Omadeulo olutu oo exukamwoongo loilonga yopolifi. [1]

(b) Yandja eesinonime doitya tai shikula:

(i) oikoya [1]

(ii) oshifufuta [1]

(iii) eemwiya daShinana [1]

9 Owa lesa nowa uda ouyelele kombinga yeifano loupolifi nonghee ovapolifi hava kwafele ovakwashiwana. Pamadiladilo oye ngeenge owa ningi omupolifi oto ka kwafela ngahelipi ovakwashiwana? Yandja oitwa **itatu**. [3]

[8]

[20]

## OSHITUKULWA SHA-B

Lesha nawa okaleshwa taka shikula, u dule okunyamukula omapulo taa ka pulwa.

### Odi i pipima onai ke litwe komuhana

Tuudila yaNandjato, okakadona okatitatu mokudalwa kuxe naina. Tuudila okwa li e na ondjelo ya shitika. Okwa li a tekulwa nawa kovakulunhu vaye pamwe novamwainakadona vavali nomumati umwe. Tuudila okwa li omunyakukwi, omunandjunga nomunamashendjo.

Eshi Tuudila a wanifa eedula hamano, okwa tamekifwa oshikunino pofikola yopomukunda wavo poMandume, opo pe na ondodo yotete fiyo ondodo onhimulongo. Okwa kala ta piti nawa eendodo dopetameko e li ngaho meni lomulongo. Oidjemo yaye yomondodo onhihetatu oya li i xwepo ngaa, ndele yomondodo onhimugoi oto kuu onghuwo, shaashi okwa pitile ashike nondjelendodo E, moihongwa aishe. Enghundipalo lepito ola etwa kokulimona a kula, okulikosha omutemo nokulimhumamumha keemhanda nokomilungu.

Mondodo onhimulongo, Tuudila okwa dja mo noitwa omulongo nashimwe. Ovakulunhu vaye ove mu kumaida noku mu twa omukumo e ke linyolife mo-NAMCOL odula tai shikula. Omalishangifo osho a hovele novakulunhu ove mu pa oshimaliwa e ke linyolife ko-Andimba Toivo yaToivo. Omwenyo wamukweni okalongo ke li li. Tuudila mokutambula oshimaliwa, okwa ya kOndangwa ndee ta lande oidjalomwa nondjato moPep, ko kOkahandja ku n'omunhu, nande ina lekela ovakulunhu vaye. Ovakulunhu eshi va mona etango la ningina omona ina aluka, ove mu dengela ongodinopefimbo olo Tuudila ote lishilile nale kOtavi. Okwa tuma okatumwalaka kaxupi taka ti: Ame onda ya kOkahandja ndi ka konge oilonga, meumbo nomo-NAMCOL itamu dile nge sha.

Tuudila okwa yehuilwa pomahooli aKahandja. Eshi kwa sha, omunailonga umwe okwe mu ulikila ondjila oyo ya yuka kolukanda la-Vyf Rand. Mokweenda kwa ye okwa shakena po nokakadona kokashendjelutu, ndee tava popifafana nombili. Okwe ka yelifila kutya okwe ya moushimba ndele ke na apa ta kala. Elao omunhu e li na, okakadona oka ti kutya otava dulu va kale mokabashu kaye kedimo limwe notake ka tukula nelapi pokati. Tuudila a mona ehewa laye ledina, Ongela, olo le mu kongela oilonga yokukangula oikutu yashilumbu.

Ovakulunhu vaTuudila ova ninga mbululu konda omulungu, va teeleele omona a aluke koushimba. KOkahandja onghalo yokakadona osho ya lunduluka. Tuudila osho a hovele okunwa oikolwifa, ndee ta dimbwa elondwelo olo tali ti: ngee to i momilele, longifa ongumi ile uha ye mo nge kai po. Tuudila a li e li shii pehovelolo fiyo a ninga wakeshe omumati, shimha ashike e na oshimaliwa shepunyapunya nonamunate, osha pwa. Mokukala monghalo oyo okwa ninga eteelelo, olo le likalwa kovamati aveshe a kala navo. Okwa shuna keumbo a ka pe ovakulunhu vaye ombili. Kombinga yedimo okwe va lombwela kutya, ke shii mwene walo.

Osho a mono okaana kokakadona, oko ka lukwa Nghiishipo kovakulunhu vaye. Nghishiipo eshi a wanifa eemwedi hetatu, Tuudila okwa shiivifila ovakulunhu kutya ota ka konga oilonga ko-Shoprite. Ovakulunhu ove mu kumaida a teeleele okaana ka wanife odula, ndee okwa dika eenyala medu. Tuudila okwe livaka mo meumbo oufikulu novakulunhu ova pendulwa ashike koililo yokaana. Ovakulunhu ova tekula nawa Nghishiipo fimbo ina ka tondauka nounyuni, nande okwatiwa onyuni kau tondokwa ...

Tuudila osho a ende omupadi welao, ndele ta mono oilonga mo-Shoprite mOndangwa. Okwa ka konga okapeleki molukanda mOmashaka, omo a kala ha di, shaashi keumbo okwa ninga kokule nokufika poilonga pefimbo. Okwa ka mona po omuholimbili waye umwe oo e ke uya va kale pamwe mokapeleki kaye shaashi okwatiwa okulikalela okwa nyenga enongo.

Odi i pipima osho ye ke litwa momuhana. Omuholimbili oo a mona po, okwa hanga e na ombuto yomukifi uhe na epango (AIDS), ye ina nwofela ko Tuudila kombinga youkwatya waye. Tuudila osho a kwatwa kukapadi-engena nonghungo nodindo komaulu oule woshivike. Okwa li a uditila nai kaume kaye, eshi ine mu lombwela kombinga yonghalamwenyo yaye. Okwa li yo te lipula kutya ovakulunhu vaye tave ke mu tila ngahelipi, unene tuu eshi okwa li inava pitika edjepo laye loku ka konga oilonga kOndangwa. Tuudila omukifi osho we mu eta mo ndee ta tambulilwa meembete mOnandjokwe. Moshipangelo okwa lekelwa eshi a kala po xwepo nokwa pewa omiti daye, ye ta lombwelwa ngehe e na oku di nwa. Okwe lififida a ye komuvelo a ka konge osheendifo. Omushingi okwe mu twala fiyo oposhivelo sheumbo lovakulunhu vaye, molwaashi kakwa li ta dulu okweenda.

Omukulunhu okwa lya ohonde notwila. Ove mu yakula nombili nonohole. Ova kala noku mu yakula nawa fiyo ta alukile moukolele.

### Oshinyangadalwa 1

- 10 Oshike tashi ulike kutya ovakulunhu vaTuudila kava li ve mu tekula nawa? Yandja oitwa **itatu**. [4]
- 11 Noitwa **ine** ya yela nawa holola omauwa okulihonga mo-NAMCOL. [6]
- 12 Omaupyakadi elipipo taa etwa koukolwe? Shi koleka noitwa **ine** tai di mokaleshwa. [6]
- 13 Ngeno ove owa li omudali waTuudila eshi e ya peumbo e na edimo nonande wa li we mu lekela a ka fute o-NAMCOL, ngeno owe mu kumaida ngahelipi? Shi yelifa noitwa **ivali**. [4]

[20]

### Oshinyangadalwa 2

- 14 Ove ou li omuhongwanhu pomudingonoko weni nowa koneka kutya ounona vahapu vomomukunda weni ove liteeka ehongo ngee va dopa ondodo onhimulongo. Shanga oshipopiwa shoye u va kumaidile okudiinina ofikola nou va lombwele omauwa oo tae va dile mo.

Oshipopiwa shoye nashi kale noule woitya **150 - 200**.

[20]